



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Petrus Abbas. 14. Martii.

[urn:nbn:de:hbz:466:1-62968](#)

Et omnes jejunârunt. Debes, quantū tibi per vires licet, eos imitari, ut perceptam in cibo ac in potu immoderatam voluptatem luas. An delicatior es puerâ annorum 13. quæ hac ætate pœnitentiam exorsa est? Non te deficiunt vires, sed voluntas.

2. Jejunare debes, ne caro pugnet adversus spiritum. Quò magis deficit corpus, hoc virtus crescit magis. Scito, tuam tibi carnem esse infensissimam. & durius, quam par sit, vix haberi posse. Si Sancti, qui corpus suum castigârunt jejunii, cilicîus, verberibus, hanc tamen carnis rebellionē experti sunt, quid tu? qui adeò illi indulges?

3. Si propter affectam valetudinem, inediā sustinere minimè possis, potes oculos ac linguam cohibere; hæc abstinentia non nocet sanitati, sanitati vero plurimum confert. Pro stupor! insontes ac Sancti atrocius in sua sœviant corpora; nos vero fontes atque peccatores pœnitentiae nomine nihil pati volumus. Medicinam, quam invadunt sani, discant quarere vulnerati, & boni etiam parva lugentibus, ingentia ipsi mala lugere consuescant. Euseb. Emff.

S. PETRUS ABBAS.

14 Martii.

*Populus hic labiis me honorat,
cor autem eorum longè est à me.
Christus. Matth. 5.*

Quam

Vàm Alites beati familiares PETRO,
 & PETRVS vicissim illis fuerit, ex iis,
 quæ narrabimus, perspicies. Tyro in Reli-
 giosa Claræ Vallis disciplina cùm esset, ob-
 dormiscentis, inter preces Matutinas, latus
 vellicavit Ales unus aliquis ex illis, de qui-
 bus diximus, gratissimus PETRO monitor.
 Aliàs cùm avocante capit is dolore à sociis
 abiturum è templo pararet, illa repente ver-
 ba à Cœli choraulis cani audivit, LAUDANS
 INVOCABO DEVUM, atque his voculis deli-
 nitus facile dolorem oblitus est, perrexitq;
 etiam ipse cœptas preces decantare, et si in-
 ter Olores illos non malè Anserem se puta-
 ret. Illud amœnissimum spectaculum oculis
 PETRI accidit, videre, cùm messis tem-
 pore labori cum suis intentus esset, Virgi-
 num Reginam MARIAM geminâ cum aliâ
 Mariâ (è Solymis altera, altera ex Ægypto
 erat) per segetes ambulare, sociisque & la-
 borantibus solamen addere, & fatigatis su-
 dorem abstergere illâ manu, quâ, cùm lu-
 bet, nubes abstergit, & cœlum serenat.
 Certè tanti esse PETRVS credidit VIRGI-
 NEM vidisse, ut, cùm ex ægritudine alterū
 deinde oculorum amisisset, minimè ægrè
 hoc ferret, memor, in quali oculo oculum

sum abscondisset. Imò gratulatus sibi Iu-
scus est, è duobus hostibus (sic enim ille
oculos indigitabat) unum saltem amisisse.
Lubens igitur etiam alterum beatā morte
clausit. Ex Petro de Natal.

M E D I T A T I O *De triplici bona Orationis.*

1. Quām gloriosum sit in oratione cum DEO
colloqui, nemo novit, nisi qui divinam no-
verit Majestatem. Si uni duntaxat homini orandi
copiam fecisset Deus, ipsiq; promisisset, daturum
sc, quidquid ab ipso rogaretur; omnes profecto
ad eum hominem accurrerent, ut ejus precibus alii
alia impetrarent. Jam autem orare, cuiq;, ubique,
& semper licet; ad hæc Dominus pollicitus est, se
facturum omnium postulata; & nolumus postula-
re! & hanc Deo loquendi gloriam negligimus! Lo-
quar ad Dominum meum, cūm sim pulvus & cinis.

2. Oratio est veluti clavis Thesaurorum Dei:
ejus operā tum naturæ, tum gratiæ bonis cumula-
mur. Deus in gratiam orationis pleraque prodigia
facit. Experiē, quid possit: Ad Deum sicut ad
Patrem tuum confuge, sed humiliter quidem ut
pauper, qui probè sentit suam paupertatem, & in-
dignum se reputat, cui aliquid concedatur; si quid
obtinueris, illud acceptum refer Bonitati & meritis
Christi. Ascendit oratio, descendit miseratio. Aug.

3. Nihil dulcius, quam orationis tempore Deo
fami-

familiariter uti; tunc Deus cognoscitur perfectius;
 & ardentius amat. Et hæc cognitio, & hic amor
 comprehensorum perfecta felicitas est; viatorum
 autem inchoata. Te ipsum testor, num lachrimæ,
 quas peccatorum dolor elicit in oratione, suaviores
 sint, quam quæ tuis verbis possint explicari?

S. LONGINUS.

15 Martii.

*Centurio autem, & qui cum eo
 erant custodientes JESVM, viso
 terra motu, & ijs qua siebant,
 timuerunt valde, dicentes: verè
 filius Dei erat iste. Matth. cap. 27.*

LONGINUM ajunt Centurionem ejus cohortis fuisse, quæ Servatori & è cruce pendenti & tumulo condito custodiæ causâ fuit addita; Eundem lancea latus hauiisse sacratissimum, geminosque amoris fontes sanguinis & aquæ nobis dedisse, authori etiam suo salutares, quippe cuius oculis medicinam fecisse liquor illapsus memoratur. Id certè nemo negaverit, tot miraculorum spectatori mentis oculos apertos esse, &

M 5

cum